

Protocol da la radunanza generala dals 4 december 2025, a las 20.30 illa chasa cumünala Misocho

Preschaints

Christian Poo, Jon Buchli, Andri Poo, Mario Rauch, Chasper Buchli, Georg Buchli, Gian Caviezel, Silvio Vital, Tina Weiss, Marianne Werro, Peder Poo, Flurin Roner, Corina Caviezel, Nataglia Roner, Flurin Nuotclà, Marco Laurent, Roland Franziscus, Armon Nuotclà, Annatina Nuotclà, Aita Dermont, Schimun Grass, Plasch Caviezel, Andri Lansel.

Tractandas

1. salüd dal president e s-chüsas
2. tscherna scrutinadurs
3. protocol da la radunanza generala 2024
4. rapport annual dal president
5. rapport dal chaschier e dals revisurs da quint
6. rapports dal schef da cuorsa, schef da turas, delegià Traversada e Stafetta tras Sent
7. mutaziuns ed onurificaziuns
8. tschernas
9. fixar contribuziun annuala
10. program da l'on
11. varia

1. salüd dal president e s-chüsas

A las 20.30 po il president Christian Poo salüdar a 23 commembras e commembers. S-chüsans s'han Mischa Weiss, Lilo Mock, Reto Rauch, Monika Roner, Coni Benderer, Dominique Benderer, Cla Rauch, Elisabeth Sarott, Sabine Staub, Roland Staub, Ruedi Bissang, Braida Pinggera, Seraina Riatsch, Mario Riatsch, Fabrizia Grass, Evar Zanetti, Gianna Rauch, Cristina Gregori, Flurin Weiss, Christoph Weiss, Men Caviezel, Dumeng Jann, Flurina Jann, Marina Buchli, Anna Barbla Buchli e Sara Rauch.

Il president salüda als preschaints. L'invid es gnü tramiss tenor statüts, uschè cha la radunanza es abla da trar decisiuns. I nu vegnan fattas ningünas propostas da müdamaints da las tractandas.

Quist on vaina stuvü tour cumgià da 2 commembers per adüna. In mai da l'on scuors es mort Jachen Pult. Il president s'alorda amo d'avant blers ons cha Jachen sustgnaiva als tempaders e ch'el giava eir amo fin ill'ota età culs skis. Pac davo la radunanza 2024, in schner 2025 es mort Andri Gritti. Andri Gritti ha sustgnü al club ingio ch'el savaiva e pudaiva, saja quai sco anteriur commember da supranza, sco tempader d'urant decennis. el ha fat fin l'ultim las glistas e'ls bels placats pella cuorsa da skis. Implü è'l stat pro'ls iniziants da la Stafetta tras Sent e la Traversada. Pel giubileum da 100 ons vaiva el creà ün placat cun anecdotes da nos club. Il president til ha onurà cun preschantar quai in fuorma d'üna preschantaziun digitala. La radunanza s'adoza per ün minut da silenzi per pensar als duos trapassats.

2. tscherna scrutinadurs

Sco dombravuschs vain elet Marco Laurent.

3. prelecziun dal protocol da la radunanza generala 2024

Il protocol da la radunanza generala 2024 es gnü tramiss insembel cul invid. El vain approvà sainza cuntravuschs.

4. rapport annual dal president

Il president rapporta davart l'on scuors. L'inviern passà nun ha propcha vuglù gnir la naiv. La naiv artificiala ans ha sgüra salvà la stagiun. Uschè d'eiran las relaziuns da pistas e loipas optimalas. Eir las 2 gistas han pudü gnir realisadas.

El rapporta davart ils arrandschamaints dal club: il tir da tschoccas a Sur En, las cuorsas dal club cun üna cuorsa da passlung sù Ftan, cun ün slalom gigantesc ed ün slalom, la joslada oura Vastur, duos gitas da skis, la Stafetta tras Sent e la Traversada. La gita da Niruns es gnüda clomada giò causa mancanza da partecipants. Pro la stafetta es gnüda organisada eir l'ustaria davart dal club. Implü han commembers dal club eir sustgnü pro'ls arrandschamaints: coppa mundiala da snowboard, Passlung Martina – Scuol. El ha plaschair da la grond'actività da nos club e'l grond nomer da partecipants. Causa il giubileum da la Traversada ha survgni il Club skiunzs Sent üna contribuziun annuala dal cumün da CHF 2'500. Ils 1000 CHF implü sun gnüts dats inavant a la Traversada per cuernar almain üna part dals cuosts implü chaschunats pervi da la situaziun speciala da la Traversada da quist on.

Per finir seis pled ingrazcha il president a seis collegas dal comité ed a tuot ils agüdants, manaders da l'OJ e commembers per lur sustegn. El ingrazcha eir als sponsurs dals premis. El giavüscha a tuots ün bel inviern cun blera naiv e sainza accidaints.

5. rapport dal chaschier e dals revisurs da quint

Causa l'absenza da Mischa Weiss preschainta il revisur Chasper Buchli il quint da quist on. Quist on serra giò il quint cun ün guadagn da CHF 684.90 CHF. Il chapital agen importa uossa CHF 33'435.16. Ün grond import figürescha sco dabun da debiturs, nempe 7350.- CHF. Quist import es d'attribuir ad üna situaziun extraordinaria. Il chaschier Mischa Weiss es stat victima dad ün'attacha da cyber ed ün grond import til es gnü involà dal conto dal Club Skiunzs Sent. El es landervia da trattar cullas sgüranzas per pudair darcheu restituir quist import al club. Fin al di dad hoz es restitui üna part, na amo tuot l'import.

Il president declera in quist'occasiun amo davart ün müdamaint pro'l sponsoring dad atletas ed atlets da las estructuras RPN. In avegnir paja il club pauschalmaing 500 CHF a la classe da sport, independentamaing dal nomer d'atlets. Ad atlets chi nu sun illas estructuras dal RPN paja il club üna contribuziun da 150 CHF.

Il revisur Chasper Buchli preschainta eir in nom da la revisura Braida Pinggera lur rapport. El prelegia il quint. Il quint vain fat bun cun dar dis-charg als organs respunsabels.

In quist'occasiun vegna darcheu decis cha la suprastanza possa disponer d'ün import da CHF 1000.- chi sta illa competenza da decider dal comité svesse.

Al chaschier pertocca ün ingrazchamaint per tuot sia lavur instancabla e tuot sia lavur implü ch'el ha gnü per cumprovar quist imbruogl invers bancas e sgüranzas.

6. rapports dal schef da cuorsa, schef da turas, delegià Traversada e Stafetta tras Sent

Il schef da cuorsa Jon Buchli, rapporta davart la cuorsa dal club, quist on darcheu cun ün passlung da not sù Ftan, cun ün slalom ed ün slalom gigantesc. 6 partecipants han fat part al passlung, displaschaivelmaing na uffants, 17 curriduras e curridurs han fat part dal slalom e 26 al slalom gigantesc. Eir diversas famiglias sun gnüdas rangadas illa categoria speciala. La rangaziun ha gnü lö darcheu sco üsità. El ingrazcha fich a Roland Franziscus e sia agüdonta Tina Weiss chi piglian fingià daspö lösch il temp per nossas concorrenzas. Plünavant ingrazcha el als sponsurs pels premis. El intimescha da's participar a nossas cuorsas. Culla rangaziun da famiglia as prouva propcha da muossar chi nun es decisiv il temp, dimpersè la partecipaziun.

Il schef da turas, Andri Poo po comunicar chi s'haja pudü far d'ürant l'inviern darcheu 2 turas: üna sül Schwarzkopf oura Langtaufers (10 partecipants) cun magari paca naiv, ma üna fich bella gita ed üna gita da bellezza cun relaziuns fenomenalas sül Griankopf (10 partecipants). El intimescha a tuots da gnir a las gitas. Las gitas vegnan fattas tenor las pussibilitats dals commembers, ingün nun ha d'avair retgnentschas da nu rivar üna gita.

Flurin Nuotclà rapporta davart la Traversada. Quella es statta tuot üna speciala. Sco plüssas jadas haja gnü nom s-chars ün on avant la Traversada cha la Sesvenna gnia renovada e nu saja averta d'ürant quella data. Quist d'eira gnü dit fingià plüssas jadas, capità nun es mai nöglia. Il prüm mumaint nun han els fat gronds pissers, ma tuot in üna jada esa gnü concret cha quista jada esa propcha serius. Uschè s'han els miss a tscherchar üna varianta alternativa e pudü organisar üna Traversada da giubileum da bellezza, alchet plü lunga, ma cun üna festa da bellezza la saira illa Schliniger Alm. Pernottà esa gnü cun tendas o our illa chasa da scoula da Schlinig. Flurin ingrazcha al club pella contribuziun finanziaria. Il plü grond ingrazchamaint pertocca però a tuot ils organisateurs cha tuot ha pudü gnir realisà listess.

Nataglia Roner preschainta il rapport da la Stafetta tras Sent. Quist on ha la stafetta darcheu gnü lö sco üsità, cun 5 tragets relativamaing cuorts, adattats eir per famiglias cun uffants pitschens. I s'han partecipadas 17 squadras. Ils premis pels giubilers ha ella pudü organisar pro la Butia Schlerin. Ella ingrazcha a tuots pella collavuraziun e'l sustegn.

7. mutaziuns ed onurificaziuns

Sco novs commembers vegnan bivgnantadas las seguintas persunas: Nadja Bernhard, Jon Marchet Felix e Sandro Franziscus. Sortits dal club sun Céline Molinaro, Dario Molinaro, Claudia Franziscus ed Arina Steiner-Riatsch.

Jachen Zanetti dvainta commember liber causa ch'el es fingià daspö 40 ons commember dal Club skiunzs Sent.

Veterans cun 25 ons commembranza dal Club skiunzs Sent nu dvaintan ningüns quist on.

8. tschernas

Tenor statüts ston gnir reelets d'urant ils ons dispêrs l'actuar, il schef da cuorsa e'ls revisurs da quint. Jon Buchli, Mario Rauch, Chasper Buchli e Braida Pinggera as mettan a disposiziun per ün'ulteriura perioda d'uffizi e vegnan reelets cun applaus.

Uschè as cumpuona il comitè sco fin qua:

president:	Christian Poo
actuar:	Mario Rauch
chaschier:	Mischa Weiss
schef da cuorsa:	Jon Buchli
schef da turas:	Andri Poo

revisurs da quint: Braida Pinggera e Chasper Buchli

9. fixar contribuziun annuala

La contribuziun annuala vain fixada sün CHF 25.- per persunas sainza commembranza da Swiss-Ski. Ils commembers cun commembranza da Swiss-Ski pagan CHF 50.-.

10. program da l'on

Il program da l'on es gnü protramiss e vain preschantà dal president. El manzuna cha novas ideas sajan adüna bainvissas e dessan gnir dattas inavant ad el. La data da la Stafetta tras Sent vain datta cuntschainta cur chi's sa cur cha quai es il fat e la Traversada nun ha lö quist on. Id ha lö però la traversada dal Vnuost.

11. varia

Il president ingrazcha al tempader, als revisurs ed a Cla Rauch chi fa la pagina d'internet per lur lavur e dà ün regal da recagnuschentscha. Plünavant survegnan eir ils manaders da l'OJ alpin e nordic ün regalin. I's tratta quia da Silvio Vital e Niculin Caviezel pel OJ nordic e Heidi Laurent pel OJ alpin.

6 atletas ed atlets vegnan sustgnüts dal club cun üna contribuziun e cun surtour cuosts da RPN o cun contribuziuns per atlets: Isai Näff, Noè Näff, Marina Benderer, Valeria Benderer, Fabrizia Grass e Flurina Rauch.

Christian Poo orientescha cuort davart las radunanzas dal RPN e da l'Associaziun grischuna da skis.

A las 21.45 serra il president la radunanza ed ingrazcha a tuots pella preschentscha.

L'actuar

Mario Rauch